

7. gr.

Samstarfshrepparnir stefna að því að koma upp sameiginlegu *almennings- og skóla-safni*. Setja skal safninu sérstaka stjórn og reglur um starfsemi þess.

Skóli og safnsnefnd hafa allt árið full yfirráð yfir húsnæði safnsins.

8. gr.

Allir notendur menningarmiðstöðvarinnar skulu greiða gjald fyrir afnot sín nema Laugalandsskóli innan þeirra marka sem sett eru í 6. gr. og safnsstjórn samkvæmt 7. gr.

9. gr.

Stjórn menningarmiðstöðvarinnar er heimilt að ráða húsvörð og fela honum framkvæmd á fleiri eða færri verkum stjórnar samkvæmt 4. gr.

Húsvörði skal sett erindisbréf sem greini sem nákvæmast verksvið hans, réttindi og skyldur.

Húsvörður skal reglulega gera skil á þeim fjárreiðum sem honum eru faldar til gjaldkera hússtjórnar.

10. gr.

Óski sveitastjórnir ein eða fleiri eftir endurskoðun þessarar samþykktar skal beiðni um það lögð fram á aðalfundi og stjórn menningarmiðstöðvarinnar vinna að málinu til næsta aðalfundar.

11. gr.

Samþykkt þessi tekur gildi strax og hreppsnefndir Ása-, Holta- og Landmannahrepps hafa samþykkt hana og hún verið staðfest af menntamálaráðuneytinu.

Menntamálaráðuneytið, 11. janúar 1988.

Birgir Ísl. Gunnarsson.

Knútur Hallsson.

REGLUR

um kaup ríkisins á váttryggingum.

1. gr.

Reglur þessar skulu gilda um váttryggingar allra ríkisstofnana og ríkisfyrirtækja.

Fjármálaráðuneytið, fjárlaga- og hagsýslustofnun, hefur yfirumsjón með váttryggingamálum ríkisstofnana og ríkisfyrirtækja, eftir því sem nánar segir í reglum þessum.

2. gr.

Ríkisstofnanir og ríkisfyrirtæki skulu að jafnaði einungis kaupa þær tryggingar sem skylt er að hafa lögum samkvæmt og er þeim óheimilt að gera váttryggingasamninga, nema með þeim undantekningum sem í reglum þessum greinir.

3. gr.

Tryggingar ríkisins gagnvart starfsmönnum þess ákvarðast í kjarasamningum sem fjármálaráðuneytið gerir fyrir hönd ríkissjóðs og samkvæmt lögum. Tryggingar þessar skulu vera í eigin áhættu ríkisins.

4. gr.

Fjármálaráðuneyti, fjárlaga- og hagsýslustofnun, ákveður hvort ríkissjóður tryggi sérstaklega verðmætar eignir og ákveðnar áhættur vegna starfsemi ríkisins.

Telji ríkisstofnun eða ríkisfyrirtæki að það hafi þá sérstöðu að nauðsynlegt sé að keypt verði ákveðin trygging skal sótt um undanþágu frá þessum reglum til fjárlaga- og hagsýslustofnunar, sem getur veitt undanþágu í einstökum tilvikum, að fenginni umsögn ráðuneytis viðkomandi stofnunar. Umsókn skal vera skrifleg og rökstudd.

5. gr.

Tryggingar sem samþykkt er að kaupa skal bjóða út á nokkurra ára fresti eftir því sem lög heimila og ástæða er til að mati fjárlaga- og hagsýslustofnunar.

6. gr.

Tjón á munum í eigu ríkisins eða tjón sem það ber ábyrgð á samkvæmt lögum, réttarvenju eða samningum er í sjálfsáhættu viðkomandi ríkisstofnunar og greiðist af rekstrar- og framkvæmdafé hennar.

Sé um að ræða stærra tjón en svo að það verði greitt af rekstrar- og framkvæmdafé stofnunar er heimilt að sækja um sérstaka fjárveitingu. Verði eignartjón skal fjárlaga- og hagsýslustofnun í samráði við ráðuneyti stofnunar meta hvort eign verði endurnýjuð og hverjar teljist hæfilegar bætur.

7. gr.

Verði tjón ber forstöðumönnum og starfsmönnum stofnunar að gera nauðsynlegar ráðstafanir til að draga úr því og afstýra frekara tjóni.

Þessar reglur breyta í engu þeim reglum og venjum sem gilda um skoðun opinberra aðila á vettvangi tjóns.

8. gr.

Allt meiri háttar eignartjón skal tilkynna til fjárlaga- og hagsýslustofnunar, sem tilnefnir skoðunarmann er metur tjónið. Sé sótt um fjárveitingu skal skýrsla hans fylgja umsókn.

Embætti ríkislögmans fjallar um bótakröfur á hendur ríkinu, einstakri ríkisstofnun eða fyrirtæki, samanber lög nr. 51, 23. júní 1985.

9. gr.

Ákvæði reglugerðar þessarar gilda um sjálfseignarstofnanir sem ríkið kostar að fullu, eftir því sem við getur átt.

10. gr.

Reglur þessar gilda frá og með 1. janúar 1988.

Frá sama tíma falla úr gildi reglur nr. 74/1974, um sama efni.

Ákvæði til bráðabirgða.

Þar til annað er ákveðið halda núgildandi samningar um tryggingakaup gildi sínu.

Fjármálaráðuneytið, fjárlaga- og hagsýslustofnun, 4. janúar 1988.

Jón Baldvin Hannibalsson.

Magnús Pétursson.